

Níor chóir an fhoirm seo a úsáid ach amháin do thréimhsí
cuntasaíochta ón 1 Bealtaine 2020 go 30 Aibreán 2021

Tuairisceán agus Dearbhú Cánach Carbóin ar Ghás Nádúrtha



Ainm an tSoláthraí 	Uimhir Clárúcháin CBL
Seoladh (Eircode san áireamh) 	An tréimhse chuntasaíochta(féach Nóta 1) Ón Go dtí an

**Aonaid Gáis Nádúrtha a Sholáthraítear ag LCC do Thomhaltóirí agus le haghaidh
Tomhaltas an tSoláthraí féin gan aonaid a sholáthraítear do Shealbhóirí Ceadúnais
Astaíochtaí Gáis Ceaptha Teasa san áireamh**

Iomlán na n-aonad soláthraithe ag LCC (1 aonad = 1 MWh) (féach Nóta 2)		= A
--	----------------------	-----

Aonaid Gáis Nádúrtha a Sholáthraítear ag LCC le haghaidh Úsáidí Díolmhaithe

Aonaid a Sholáthraítear ag LCC le haghaidh úsáid eisiach chun Leictreachas a Ghiniúint (gan comhghiniúint teasa agus cumhachta in Éineacht (TCÉ) san áireamh) (féach Nótaí 3 & 4)	
---	----------------------

Aonaid a Sholáthraítear ag LCC le haghaidh úsáide i Dí-Ocsaídiú Ceimiceach nó i bPróisis Leictrealaíochta nó Miotaleolaíochta (féach Nóta 3)	
---	----------------------

Iomlán na n-aonad a sholáthraítear le haghaidh úsáidí díolmhaithe (is é sin, iomlán na n-aonad don dá chatagóir thuas)		= B
---	----------------------	-----

Glanaonaid incháinithe (= A lúide B)		= C
--------------------------------------	----------------------	-----

Ríomh na Cánach Iníochta

	Líon na n-aonad ag LCC	Ráta in aghaidh an aonaid ag LCC (féach Nóta 5)	Cáin
Aonaid a Sholáthraítear do Shealbhóirí Ceadúnais Astaíochtaí Gáis Ceaptha Teasa (féach Nóta 6)		0.54	€
Glanaonaid incháinithe (Figiúr "C")		4.71	€
Iomlán na Cánach Iníochta			€

Dearbhaím, i gcomhréir leis an dlí* lena rialaítear CCGN:

- go dtugann na sonraí ar an bhfoirm seo **cuntas iomlán agus fíor** ar na soláthairtí breosla gáis nádúrtha incháinithe agus faoi fhaoiseamh cánach **arna soláthar** ag an soláthraí ainmnithe le linn na tréimhse sonraithe,
- go bhfuil dearbhuithe faighte roimh an soláthar ó na daoine cuí mar is gá de réir dlí do sholáthairtí a cháilíonn le haghaidh faoiseamh ag an bhfoinse (féach Nótaí 3 agus 6), agus
- gur ráiteas fíor maidir le dliteanas CCGN an tsoláthraí sin don tréimhse sin atá san fhigiúr sonraithe i leith "Iomlán na Cánach Iníochta".

*Caibidil 2 de Chuid 3 den Acht Airgeadais, 2010 (arna leasú) agus Rialacháin an CCGN, 2010 (Uimhir I.R. 191 de 2010)

Sínithe	Sínitheoir údaráithe (féach Nóta 7)
Ainm	Fón
(BLOCLITREACHA)	
Ainmníocht (féach Nóta 7)	Dáta

Tuairisceáin a Thíolacadh agus Íocaíochtaí a dhéanamh le haghaidh CCGN

Custaiméirí ROS

Féadann soláthraithe atá cláraithe le haghaidh **Sheirbhís ar Líne na gCoimisinéirí Ioncaim (ROS)** tuairisceáin agus íocaíochtaí NGCT1 a dhéanamh ar ROS. Nuair atá cineál íocaíochta á roghnú ar ROS, ba chóir do sholáthraithe cliceáil ar Íocaíochtaí / Dearbhú Cánach agus CCGN a roghnú ón roghchlár anuas. Féadtar íocaíocht a dhéanamh ar líne le:

- cárta dochair/cárta creidmheasa
- dochar **aonuaire** ar a dtugtar ‘Treoir Dochair Aonair (TDA)’ as cuntas bainc (cuntas reatha de ghnáth) a ghlacann le dochar díreach.

Custaiméirí nach Custaiméirí ROS iad

Féadann soláthraithe nach bhfuil cláraithe le haghaidh ROS tuairisceáin NGCT1 ar líne a dhéanamh trí **M’Fhiosruithe**, atá ar fáil ar **mochúrsaí**, trí chóip scanta den fhoirm NGCT1 sínithe agus comhlánaithe a thíolacadh. De rogha air sin, féadann soláthraithe nach bhfuil cláraithe le haghaidh ROS tuairisceáin chomhlánaithe a sheoladh tríd an bpost chuig:

Oifig na gCoimisinéirí Ioncaim

Rannóg an Ard-Bhailitheora

Teach an tSáirséalaigh

Sráid Phroinséis

Luimneach

V94 R972.

Féadtar íocaíochtaí CCGN do sholáthraithe nach bhfuil cláraithe le haghaidh ROS a dhéanamh trí **mochúrsaí** ag baint úsáid as:

- cárta dochair / cárta creidmheasa
- dochar **aonuaire** ar a dtugtar ‘Treoir Dochair Aonair (TDA)’ as cuntas bainc (cuntas reatha de ghnáth) a ghlacann le dochar díreach.

Áis ar líne é **M’Fhiosruithe** a ligeann do chustaiméirí comhfhreagras leis na Coimisinéirí Ioncaim a sheoladh agus a fháil go slán seachas ríomhphost a úsáid. Tá tuilleadh eolais ar **M’Fhiosruithe** ar fáil ar <https://www.revenue.ie/ga/online-services/services/manage-your-record/myenquiries.aspx>. Tabhair do d’aire, maidir le sonraí pearsanta agus íogaire ar bith a sheoltar mar ghnáth-théacs trí ríomhphost caighdeánach, nach bhféadann na Coimisinéirí Ioncaim ráthaíocht a thabhairt go bhfuil siad go hiomlán slán. Má roghnaíonn custaiméirí áirithe an bealach seo a úsáid, meastar go nglacann siad le riosca ar bith atá i gceist.

TABHAIR DO D’AIRE

Gearrtar muirear úis ar íocaíochtaí déanacha, mar a fhoráiltear faoi alt 103 den Acht Airgeadais, 2001. Moltar do cháiníocóirí a ndóthain ama a chur ar leataobh – trí lá ar a laghad – le go mbainfidh d’íocaíocht Oifig na gCoimisinéirí Ioncaim amach faoin dáta dlite.

Má loictear an CCGN a íoc, nó íocaíocht a dhéanamh in am, féadfaidh sé go ndéanfar bailiú éigeantach tríd an Sirriam, imeachtaí Cúirte nó Fógra Astaithe faoi alt 1002 den Acht Comhdhlúite Cánacha, 1997.

**Níor chóir an fhoirm seo a úsáid ach amháin do thréimhsí
cuntasaíochta ón 1 Bealtaine 2020 go 30 Aibreán 2021**

Nótaí treorach chun an fhoirm seo a chomhlánú

1. Is éard is tréimhse chuntasaíochta ná tréimhse dhá mhí féilire as a chéile, agus Eanáir / Feabhra áirithe mar an gcéad tréimhse in aon bhliain ar leith. Ní mór Tuairisceán agus Dearbhú CCGN agus íocaíocht leis a dhéanamh leis na Coimisinéirí Ioncaim taobh istigh de mhí amháin ó dheireadh na tréimhse cuntasaíochta lena mbaineann.
2. Tá an Tuairisceán agus Dearbhú CCGN bunaithe ar gás nádúrtha a sholáthraítear in aonaid in aghaidh na huaire meigeavata (MWh) arna thomhas ag luach comhlán calrach (LCC). Nuair a sholáthraítear gás nádúrtha arna thomhas ag glanluach calrach (GLC), is gá an luach GLC a thiontú isteach ina LCC tríd an luach GLC a iolrú faoi fhachtóir tiontaithe 0.9018.
3. Sa chás go soláthraíonn soláthraí gás nádúrtha ag ráta nialasach le húsáid i ngléasra:
 - chun leictreachas a ghiniúint agus chuige sin amháin (gan comhghiniúint teasa agus cumhachta in éineacht
 - le haghaidh dí-ocsaídiú ceimiceach
 - i bpróisis leictrealaíocha nó miotaleolaíocha

ní mór dóibh gach cainníocht gáis nádúrtha a sholáthraítear a chur san áireamh sa rannán “Aonaid Gáis Nádúrtha a Sholáthraítear ag LCC le haghaidh Úsáidí Díolmhaithe”. Ní mór don duine nó don ghnó sin atá ag oibriú an gléasra sin an **“Dearbhú um úsáid Gáis Nádúrtha chun Críocha Díolmhaithe”** de chuid na gCoimisinéirí Ioncaim ar fáil ar <https://www.revenue.ie/ga/companies-and-charities/documents/excise/energy-taxes/declaration-of-usage-of-natural-gas-for-exempt-purposes.pdf> a chomhlánú agus é a sheoladh chuig a soláthraí. Ní mór cóip scanta a sheoladh chuig na Coimisinéirí Ioncaim trí **M’Fhiosruithe**. Ní fhéadann soláthraithe gás nádúrtha faoi fhaoiseamh cánach a sholáthar go dtí go bhfaigheann siad dearbhú comhlánaithe go cuí ón duine nó gnó atá ag oibriú an ghléasra. Ní mór dearbhuithe úsáide a choinneáil le haghaidh cigireachta ag na Coimisinéirí Ioncaim.

4. Sa chás go n-úsáideann tomhaltóir gás nádúrtha i ngléasraí comhghiniúna teasa agus cumhachta in éineacht (TCÉ) a ghineann leictreachas ardéifeachtúil, tá an sciar den bhreosla a úsáidtear i dteideal faoisimh. Tá an faoiseamh ar fáil trí aisíocaíocht a dhéanamh leis an tomhaltóir. Ní fhéadfaidh soláthraithe an faoiseamh a fheidhmiú ag an bhfoinse agus ní dhéileálfar leis an bhfaoiseamh ar an bhfoirm NGCT1 seo. Maidir leis na figiúirí “Iomlán na n-aonad soláthraithe ag LCC” ar leathanach 1, ní mór go bhfolódh siad na cainníochtaí uile de sholáthairtí incháinithe gáis nádúrtha sa chatagóir chuí, lena n-áirítear soláthairtí le haghaidh Comhghiniúint TCÉ. Tá tuilleadh eolais ar an bhfaoiseamh cánach ar **Chomhghiniúint Ardéifeachtúil Teasa is Cumhachta in Éineacht (CATCÉ)** ar fáil ar <https://www.revenue.ie/ga/companies-and-charities/excise-and-licences/energy-taxes/he-chp/index.aspx>.
5. Tá an ráta €5.22 in aghaidh na huaire meigeavata (MWh) sonraithe in alt 67 den Acht Airgeadais 2010 (arna leasú ag alt 45(a) den Acht Airgeadais 2019 (le héifeacht ón 1 Bealtaine 2020) bunaithe ar GLC. Ríomhtar an ráta LCC tríd an ráta GLC a iolrú faoi fhachtóir tiontaithe 0.9018. Tugann sé seo ráta LCC de €4.71 an MWh.

**Níor chóir an fhoirm seo a úsáid ach amháin do thréimhsí
cuntasaíochta ón 1 Bealtaine 2020 go 30 Aibreán 2021**

6. Sa chás go soláthraíonn soláthraí gás nádúrtha ag an ráta laghdaithe ní mór dóibh gach cainníocht de ghás nádúrtha a chur san áireamh sa rannán “Ríomh na Cánach Iníoctha”. Ní mór don sealbhóir ceadúnais an **“Dearbhú um úsáid Gáis Nádúrtha ag Sealbhóirí Ceadúnais Astaíochtaí Gáis Ceaptha Teasa”** de chuid na gCoimisinéirí Ioncaim ar fáil ar <https://www.revenue.ie/ga/companies-and-charities/documents/excise/energy-taxes/greenhouse-gas-emissions-permit-holder.pdf> a chomhlánú agus é a sheoladh chuig a soláthraí. Ní mór cóip scanta a sheoladh chuig na Coimisinéirí Ioncaim trí M’Fhiosruithe. **Ní fhéadfaidh soláthraithe gás nádúrtha a sholáthar ag an ráta laghdaithe go dtí go bhfaigheann siad dearbhú comhlánaithe go cuí ón sealbhóir ceadúnais lena mbaineann.** Ní mór dearbhuithe úsáide a choinneáil le haghaidh cigireachta ag na Coimisinéirí Ioncaim.
7. Ní mór an Tuairisceán agus Dearbhú CCGN seo a bheith sínithe ag an soláthraí lena mbaineann nó ag an duine údaráithe i gcomhréir le Rialachán 6 de **Rialacháin na Cánach Charbóin ar Bhreosla Soladach, 2010; Uimhir I.R. 191 de 2010.** Ní mór don duine sin an teideal atá acu sa ghnó a shonrú, mar shampla Rúnaí na Cuideachta, Stiúrthóir na Cuideachta, Páirtnéir, srl. mar is cuí.
8. Ní mór gach taifead i ndáil leis an tuairisceán seo a choinneáil ar feadh sé bliana. Féadtar iad a choinneáil i bhfoirm leictreonach, ar an gcoinníoll go bhféadtar iad a tháirgeadh nuair a iarrtar iad i bhfoirm phriontáilte.

Bailíonn na Coimisinéirí Ioncaim cánacha agus dleachtanna agus feidhmíonn rialuithe custam. Iarrann na Coimisinéirí Ioncaim sonraí pearsanta áirithe chun na críocha seo agus chun críocha feidhmeanna reachtúla eile mar a shannann an tOireachtas. Féadtar do chuid sonraí pearsanta a mhalartú le Ranna eile Rialtais agus le gníomhaireachtaí eile i gcúinsí áirithe nuair atá foráil dó seo sa dlí. Tá sonraí iomlána faoi pholasaí cosanta sonraí na gCoimisinéirí Ioncaim ar fáil ar an leathanach **Príobháideachtas** ar www.revenue.ie ar a bhfuil sonraí faoin gcaoi a mbainfidh muid úsáid as do chearta mar dhuine is ábhar do shonraí. Tá sonraí an pholasaí seo ar fáil i bhformáid cóipe crua ach é a iarraidh.